

Na osnovu člana 47. Statuta Javne zdravstveno-nastavne ustanove Dom zdravlja „Dr Mustafa Šehović“ Tuzla, a u vezi sa članom 20 a. Zakona o radu („Službene novine Federacije BiH“ broj: 26/16 i 89/18), člana 4. Uredbe o postupku prijema u radni odnos u javnom sektoru u Tuzlanskom kantonu broj: 4/19, 4/20, 11/20 i 5/21), članova 6., 7., te 8.-13. Pravilnika o radu – I dio (prečišćen tekst) broj: 04-975-1/2021. od 26.02.2021. godine, Pravilnika o izmjenama i dopunama Pravilnika o radu – I dio (prečišćen tekst) broj: 04-2554/2021 od 02.06.2021.godine, Pravilnika o radu – III dio (unutrašnja organizacija i sistematizacija radnih mjesta) broj: 04-2439-1/2017 od 12.05.2017.godine, Pravilnika o izmjenama i dopunama Pravilnika o radu – III dio (unutrašnja organizacija i sistematizacija radnih mjesta) broj: 04-3879-1/2021 od 01.09.2021. godine i Odluke o utvrđivanju potrebe i raspisivanju Javnog konkursa za prijem radnika u radni odnos na neodređeno vrijeme sa punim radnim vremenom broj: 16-02-982-1/22 od 25.02.2022. godine, direktor Ustanove, raspisuje

JAVNI KONKURS

za prijem radnika u radni odnos na neodređeno vrijeme sa punim radnim vremenom u Javnoj zdravstveno-nastavnoj ustanovi Dom zdravlja „Dr Mustafa Šehović“ Tuzla

1. Specijalista radiologije/specijalista dijagnostičke radiologije u Odjeljenju: Radiologija - Služba medicinske dijagnostike 1 izvršilac
2. Specijalista oftalmologije/specijalista oftalmologije i optometrije u Odjeljenju za očne bolesti – Specijalističko-konsultativna zdravstvena zaštita - Službe u zajednici 1 izvršilac

Kratak opis poslova za poziciju broj 1:

Učestvovanje u obezbjeđivanju uslova za rad u saradnji sa šefom Odjeljenja. Horizontalno povezivanje. Vertikalno povezivanje zdravstvene zaštite, radiografija pluća. Radiofotografija, radioskopija srca sa radiografijom, pregledni snimak abdomena nativno sa zdjelicom, intravenozna urografija, intravenozna cistografija, nativni snimak urotakta, mamografija, radiografija – očitavanje snimaka. Pravi plan rada rasporeda ljekara za rad na aparatima. Rad na ultrazvučnim i drugim aparatima.

Rad na poboljšanju i mjerenju kvaliteta prema planu održavanja i poboljšanja sistema kvaliteta i sigurnosti, te mjerenje kvaliteta kliničkog rada (kliničke revizije, indikatori).

Učestvovanje u osposobljavanju zdravstvenih radnika (mentorstvo ljekarima pripravnicima, volonterima i specijalizantima), uvođenje u rad novih radnika, učešće u planiranju i realizaciji istraživačkih projekata, publiciranje stručnih i naučnih radova, stalno lično stručno usavršavanje i kontinuiran rad na uvođenju i primjeni savremenih medicinskih dostignuća.

Kratak opis poslova za poziciju broj 2:

Učestvuje u obezbjeđivanju uslova za rad u saradnji sa šefom Odjeljenja, horizontalno povezivanje, vertikalno povezivanje zdravstvene zaštite. Obavlja prve i ponovne ljekarske preglede, ljekarski pregled u stanu pacijenta, sistematski pregled, sistematski pregled predškolske i školske djece, skijaskopiju, vrši određivanje refrakcionih grešaka i određivanje naočara, keratometriju, egzoftalmometriju, tonometriju, ispitivanje diplopija, postavljanje indikacija za perimetriju, ispitivanje poremećaja vida za boje, vađenje stranih tijela sa vežnjače i rožnice, obradu površnih rana, sondiranje i ispiranje suznih kanala, tuširanje vežnjače i kože kapaka, aplikaciju lijeka, davanje subkonjunktivalnih injekcija, inciziju i kiretažu Majbomovih žlijezda, odstranjivanje halaciona, gonioskopiju, tonografiju, abraziju kod keratitisa i sideroze, aplikaciju lijeka, pregled fundusa biomikroskopom, biomikroskopiju, dijafanoskopiju, previjanje, usluge kod određivanja i primjene kontaktnih kornealnih leća, određivanje probnog sočiva, postavljanje probnog sočiva na rožnicu, Burton ili fluoresceinski test na biomikroskopu, određivanje refrakcije preko kontaktne leće, određivanje definitivne kontaktne leće, kontrolne preglede kontaktnih leća, određivanje osjetljivosti rožnice esteziometrijom, Širmerovu probu, određivanje razrokosti kod djece, ispitivanje motiliteta, ispitivanje vidne oštine kod razrokosti, ispitivanje konvergencije, ispitivanje binokularnog vida, ispitivanje polja pogleda, ispitivanje paraliza, ispitivanje vidne oštine kod nistagmusa, ispitivanje funkcije mišića pokretača očne jabučice, ispitivanje odnosa akomodacije i konvergencije, postavlja indikacije za laser fotokoagulaciju, postavlja indikacije za ultrazvučnu dijagnostiku, upućuje pacijente na operacioni tretman, radi u Kabinetu za kontaktna sočiva i glaukom, vrši prijavljivanje nus pojava na sve vrste lijekova u skladu sa zakonom i podzakonskim aktima.

Rad na poboljšanju i mjerenju kvaliteta prema planu održavanja i poboljšanja sistema kvaliteta i sigurnosti, te mjerenje kvaliteta kliničkog rada (kliničke revizije, indikatori).

Učestvuje u osposobljavanju zdravstvenih radnika (mentorstvo ljekarima pripravnicima, volonterima i specijalizantima), uvođenje u rad novih radnika, učešće u planiranju i realizaciji istraživačkih projekata, publiciranje stručnih i naučnih radova, stalno lično stručno usavršavanje i kontinuiran rad na uvođenju i primjeni savremenih medicinskih dostignuća.

Kandidati treba da ispunjavaju **opšte, posebne uslove i ostale posebne uslove** Javnog konkursa:

Za pozicije pod rednim brojem: 1. i 2.

Opšti uslovi:

1. da su državljani Bosne i Hercegovine
2. da su stariji od 18 godina
3. da su zdravstveno sposobni za poslove za koje se kandiduju

Za poziciju pod rednim brojem 1.

Potrebno zvanje-zanimanje, stručna sprema i radno iskustvo, posebni uslovi i ostali posebni uslovi:

- Stručno zvanje, zanimanje: doktor medicine
- Stepem stručne spreme: VSS VII stepen/ integrirani I i II ciklus studija sa 360 bodova
- Radno iskustvo u struci: 1 godina

Posebni uslovi:

- Specijalistički ispit iz radiologije/dijagnostičke radiologije
- Stručni ispit u stručnom zvanju doktor medicine
- Važeća Licenca za samostalan rad izdata od nadležne ljekarske komore

Ostali posebni uslovi:

- Edukacija iz UZ abdomena
- Poznavanje rada na računaru

Za poziciju pod rednim brojem 2.

Potrebno zvanje-zanimanje, stručna sprema i radno iskustvo, posebni uslovi i ostali posebni uslovi:

- Stručno zvanje, zanimanje: doktor medicine
- Stepen stručne spreme: VSS VII stepen/ integrirani I i II ciklus studija sa 360 bodova
- Radno iskustvo u struci: 1 godina

Posebni uslovi:

- Specijalistički ispit iz oftalmologije/oftalmologije i optometrije
- Stručni ispit u stručnom zvanju doktor medicine
- Važeća Licenca za samostalan rad izdata od nadležne ljekarske komore

Ostali posebni uslovi:

- Poznavanje rada na računaru

Kandidati uz prijavu na Javni konkurs treba dostave:

1. Prijavni obrazac uredno popunjen i potpisan (preuzima se sa web stranice ustanove: www.dztuzla.ba ili na recepciji Ustanove - Uprava)
2. Izvod iz matične knjige rođenih
3. Uvjerenje o državljanstvu
4. PBA-1
5. Dokaz o završenom obrazovanju: Diploma o završenom medicinskom fakultetu za zvanje doktor medicine VSS VII stepen/Diploma o završenom integriranom I i II ciklusu studija sa 360 bodova za zvanje doktor medicine i Dodatak diplomi o završenom integriranom I i II ciklusu studija sa 360 bodova za zvanje doktor medicine
6. Uvjerenje o položenom stručnom ispitu u zvanju doktor medicine
7. Uvjerenje o položenom specijalističkom ispitu
8. Važeću Licencu za samostalan rad u zvanju specijaliste, izdatu od nadležne Ljekarske komore
9. Uvjerenje o radnom iskustvu u zvanju specijaliste od poslodavca
10. Dokaz o poznavanju rada na računaru: Certifikat/Uvjerenje/Diploma i slično o stečenom znanju nakon provedene edukacije (kursa, tečaja i sl.)
Napomena: kao dokaz o poznavanju rada na računaru neće se uzimati u obzir dokaz o položenom predmetu iz informatike i sl. tokom školovanja.
11. Dokaz o završenoj edukaciji i UZV abdomena za poziciju 1.

Radi bodovanja i rangiranja kandidata u skladu sa Pravilnikom o radu – I dio, kandidati uz prijavu treba da dostave sljedeću dokumentaciju:

- a) Uvjerenje sa prosjekom ocjena ostvarenih tokom studija
- b) Kandidati koji se nalaze na evidenciji nezaposlenih lica Službe za zapošljavanje radi bodovanja mogu da dostave uvjerenje ove Službe da se vode na evidenciji nezaposlenih lica i o vremenu provedenom na evidenciji nezaposlenih lica nakon sticanja stručne spreme koja se traži Javnim konkursom.
- c) Kandidati mogu dostaviti dokumentaciju kojom se dokazuju prava prema Zakonu o dopunskim pravima branitelja i članova njihovih obitelji Tuzlanskog kantona **na osnovu koje će ostvariti prednost pri zapošljavanju nad ostalim kandidatima pod uslovom, kada imaju isti broj bodova** po prethodno obavljenom bodovanju, po osnovu posebnih uslova i bodova ostvarenih na provjeri znanja, radnih i stručnih sposobnosti i vještina, putem testiranja, praktičnog rada i intervjua.

Kandidati koji ne dostave dokumentaciju navedenu pod: a) i b), neće biti bodovani po tom osnovu, a kandidati koje ne dostave dokaz pod c) ne ostvaruju pravo na razmatranje prednosti pri zapošljavanju nad ostalim kandidatima pod uslovom da imaju isti broj bodova po prethodno obavljenom bodovanju, po osnovu posebnih uslova i bodova ostvarenih na provjeri znanja, radnih i stručnih sposobnosti i vještina, putem testiranja, praktičnog rada i intervjua.

Svi dokumenti koji se dostavljaju uz prijavu na Javni konkurs moraju biti u ovjerenoj kopiji.

Napomena: Izabrani kandidati će biti u obavezi da **prije prijema u radni odnos**, odnosno prije potpisivanja Ugovora o radu dostaviti:

- Ljekarsko uvjerenje kao dokaz da je tjelesno i duševno sposoban za obavljanje poslova za koje se kandiduje
- Uvjerenje da protiv lica nije pokrenut krivični postupak, ne starije od datuma izlaska Javnog konkursa
- Uvjerenje da lice nije osuđivano za krivično djelo za koje je izrečena zatvorska kazna, osim krivičnog djela protiv sigurnosti javnog saobraćaja, ne starije od datuma izlaska Javnog konkursa

Javni konkurs ostaje otvoren 8 dana od dana objavljivanja, a rok za podnošenje prijave počinje teći narednog radnog dana od dana njegovog objavljivanja u dnevnom listu.

Podnosilac neuredne, nepotpune i neblagovreme prijave nije učesnik Javnog konkursa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

Urednom prijavom na Javni konkurs smatra se uredno popunjen PRIJAVNI OBRAZAC.

Potpunom prijavom smatra se prijava uz koju su priloženi svi dokazi o ispunjavanju općih, posebnih i ostalih posebnih uslova naznačenih u Javnom konkursu, koje kandidati treba da dostave prilikom prijave na Javni konkurs.

Blagovremenom prijavom na Javni konkurs smatra se prijava koja je podnesena u roku koji je određen u Javnom konkursu.

Ispunjavanje uslova utvrđenih Javnim konkursom računa se sa danom predaje prijave.

Po zatvaranju Javnog konkursa Komisija za provođenje procedure prijema u radni odnos (u daljem tekstu: Komisija) će prema dostavljenoj dokumentaciji izvršiti klasifikaciju kandidata.

Neblagovremene, nepotpune i neuredne prijave na Javni konkurs, Komisija će odbaciti zaključkom.

Komisija će u pisanoj formi zaključkom obavijestiti kandidate koji nisu dostavili urednu, potpunu i blagovremenu dokumentaciju.

Kandidati koji nisu dostavili urednu, potpunu i blagovremenu dokumentaciju, ne mogu učestvovati u daljoj konkursnoj proceduri.

Sa kandidatima koji ispunjavaju uslove Javnog konkursa i čije prijave budu uredne, potpune i blagovremene obaviti će se provjera znanja, radnih i stručnih sposobnosti i vještina putem pismenog testa, praktičnog rada i intervjua.

Komisija će pismenim putem pozvati kandidate na provjeru znanja, radnih i stručnih sposobnosti i vještina **putem pismenog testa**.

Kandidati koji na pismenom testiranju ostvare najmanje 70% od ukupnog broja bodova stiču pravo da:

- pristupe intervjuu, koji ima za cilj procjenu profesionalnih karakteristika, iskazanih sposobnosti i kompetencija za radno mjesto na koje se kandidat prijavio i
- pristupe provjeri njihovih praktičnih znanja i vještina vezanih za radno mjesto za koje su aplicirali.

Kandidati koji na pismenom testiranju ostvare manje od 70% od ukupnog broja bodova isključuju se iz dalje procedure prijema u radni odnos.

Komisija će izvršiti bodovanje kandidata, te sačiniti rang listu uspješnih kandidata i istu istaknuti na Oglasnoj ploči Ustanove.

Izveštaj o provedenom postupku i rang listu uspješnih kandidata Komisija će dostaviti direktoru Ustanove, koji će donijeti odluku o izboru kandidata sa liste uspješnih kandidata.

Prijave na Javni konkurs dostaviti u zatvorenim kovertama putem pošte ili lično na adresu, UZ OBAVEZNU NAZNAKU NA KOVERTI ZA KOJE RADNO MJESTO KANDIDAT APLICIRA:

**Javna zdravstveno-nastavna ustanova
Dom zdravlja „Dr Mustafa Šehović“ Tuzla
75000 T U Z L A
Ul. Albina i Franje Herljevića broj 1**

**KOMISIJI ZA PROVOĐENJE PROCEDURE PRIJEMA U RADNI ODNOS
“Prijava na Javni konkurs za prijem u radni odnos /navesti poziciju/ _____“
sa naznakom „NE OTVARATI“**

Dokumentaciju dostavljenu uz prijavu na Javni konkurs Ustanova neće vraćati kandidatima.

DIREKTOR,

s.r., Prim.dr Suad Bijedić